

Injil untuak anak-anak
hadiah



Laki-laki
Yang Indak
Amuah
Mambungkuak



Ditulis oleh: Edward Hughes

Diilustrasikan oleh: Jonathan Hay
Alastair Paterson

Diadaptasi oleh: Mary-Anne S.

Diterjemahkan oleh: Yulia Anggraini


Diproduksi oleh: Bible for Children
www.M1914.org

©2023 Bible for Children, Inc.

Lisensi: awak punyo hak manyalin atau mancetak carito iko,
salamo awak indak manjual nyo.





Rajo Nebukadnezar mambangun sabuah patuang ameh yang sangaik gadang. Sadonyo tabuek dari ameh, dari kapalo sampai kaki. Mungkin rajo alah lupu tantang mimpi yang diagiahkan Tuhan tantang karajaan Amehnyo yang indak ka batahan salamonyo. Mungkin inyo bapikia kalau inyo mambangun patuang yang sadonyo tabuek dari ameh, mako sado yang dikatoan Allah indak akan tajadi.



Salah surang palayan rajo mambacoan sabuah pasan ka sado urang: "... Kalian harus sujuik dan manyambah ka patuang ameh ko, dan siapopun yang indak amuah sujuik dan manyambah akan dibuang ka dalam parapian."



Sado urang mangarajoan apo yang diparintahan oleh rajo - kacuali tigo urang, urang itu adolah urang ibrani, yaitu Sadrakh, Mesakh, dan Abednego, kawan-kawan Daniel. Bantuaknyo katiko itu Daniel sedang indak ado disitu, karano alah pasti inyo pun akan manolak manyambah baralo yang dibuek manusia.



Urang-urang bijak rajo sangaik iri ka Daniel dan kawan-kawannyo, sabab rajo sangaik manyukoi mereka. Sainggo urang-urang itu bakato, "Ado tigo urang yang alah rajo tempatkan sebagai pangatur wilayah Babel - Sadrakh, Mesakh dan Abednego. Urang itu, ya rajo, indak mamatuhi parintahmu. Mereka indak malayani dewa rajo atau manyambah patuang ameh yang alah engkau buek."






Rajo Nebukadnezar
sangaik berang. Inyo
maingekan mereka,
"Kalau kalian indak
manyambahnyo, kalian
akan dibuang kadalan
tungku barapi, dan
Allah yang ma yang
akan mambebaskan
kalian dari parapian."



Rajo mambuek kasalahan gadang, Inyo batua-batua manantang Allah yang iduik. Katigo urang Ibrani itu tau kalau hal itu balawanan jo parintah Allah dengan manyambah baralo. Mereka tatap tagak indak guyah. Karano mereka picayo ka Allah, mereka indak takuik ka rajo.



Katigo urang ko manjawek perkatoan rajo. Mereka bakato, "Allah kami akan mambebasan kami dari tungku barapi itu, tapi kalau indak, kami katoan kapadomu, ya rajo, kalau kami indak akan malayani dan manyambah baralo ameh yang kau buek."



Rajo Nebukadnezar
sangaik berang! Inyo
mamarintahan untuak
maangekan tungku api
tujuh kali labiah
angek daripada
biasonyo. Dan katigo
urang itu tatap indak
amuah balutuik.



Rajo mamarintahan urang-urang
kuek yang ado ditantaranyo
untuak mangabek
Sadrah,
Mesakh dan
Abednego

dan
mambuang
mereka
ka dalam
tungku
api.



Api itu sangaik angek sainggo
nyalonyo mambunuah
tantara yang kuek itu.
Katiko urang-urang itu
mambuang Sadrakh,
Mesakh, dan Abednego
kadalam api.



Rajo mancaliak kaadaan itu dari kajauhan. Inyo mancaliak katigo laki-laki itu batua-batua dibuang ka dalam tengah-tengah tungku barapi itu. Tapi bukan itu sajo yang dicaliak rajo.



Raja Nebukadnezar sangaike takajuik! "Apokah kita batua-batua malemparan katigo laki-laki itu ka dalam tungku api?"
Rajo batanyo kapado palayannyo. "Batua, ya Rajo!" urang itu manjawek.



"Liek! Aku mancaliak ampek laki-laki salamaik, bajalan di tengah-tengah api, dan urang-urang itu indak taluko. Dan salah surang dari urang-urang itu nampak bantuak anak Allah!"



Mandakek ka pintu barapi dari tungku barapi itu, rajo mamakiak, "Sadrakh, Mesakh dan Abednego pelayan dari Allah yang Mulia, kalualah!" Sasudah itu Sadrakh, Mesakh dan Abednego kalua dari tungku barapi itu.



Sado urang bakumpua dan mamareso katigo urang Ibrani itu. Urang-urang yang ado disitu alah mancaliak kalau api indak bisa mambaka mereka. Indak saalai pun rambuik mereka anguih dan baju merekapun indak tabaka. Indak ado baun api pado urang-urang itu.



Katiko sadar akan apo yang alah tajadi.
Rajo Nebukadnezar mangarajoan hal yang
sangaik mambuek tacangang. Inyo badoa dan
bakato "tapujilah Allah dari Sadrakh, Mesakh
dan Abednego! Allah mereka alah mangiriman
malaikaikNyo dan alah manyalamaikan pelayan
yang picayo
kapadoNyo."



Laki-laki Yang Indak Amuah Mambungkuak

Sabuah carito dari firman tuhan, Injil

Didapekan di

Daniel 3

"Jalan masuak firman-firmanNyo mambarikan
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso iolah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko iolah sabuah kebenaran, kecekan iko kapado Tuhan: Ya Yesus, Ambo picayo bahwo Engkau iolah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalam iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

